

歲寒堂讀杜卷之十八

目錄

元日示宗武

又示宗武

遠懷舍弟穎觀等


太歲日

喜聞盜賊蕃寇總退口號五首

續得觀書迎就當陽居止正月中旬定出三峽

人日二首

江梅



庭草

將別巫峽贈南卿兄灊西果園四十畝

送大理封主簿五郎親事不合却赴通州

大歷三年春白帝城放船出瞿唐峽久居夔府將適

江陵漂泊有詩凡四十韻

巫山縣汾州唐使君十八弟宴別題詩留于屋壁

春夜峽州田侍御長史津亭留宴得筵字

敬寄族弟唐十八使君

泊松滋江亭

行次古城店泛江作奉呈江陵幕府諸公

乘雨入行軍六弟宅

上巳日徐司錄園宴集

宴胡侍御書堂

書堂飲旣夜復邀李尚書下馬月下賦絕句

江南逢李龜年

南征

地隅

歸夢

奉送蘇州李二十五長史丈之任

暮春江陵送馬大卿公恩命追赴闕下

暮春陪李尚書李中丞過鄭監湖亭泛舟得過字

蠶穀行

三絕句

和江陵宋大少府暮春雨行同諸公及舍弟宴書齋
宇文晁崔彧重泛鄭監前湖

惜別行送向卿進奉端午御衣之上都

夏日楊長甯宅送崔侍御常正字入京得深字

夏夜李尚書筵送宇文石首赴縣聯句

多病執熱奉懷李尚書

水宿遣興奉呈羣公

江陵望幸

虢國夫人

遣悶

江陵節度使陽城郡王新樓成王請嚴侍御判官賦

七字句同作

又作此奉衛王

江邊星月二首

舟月對驛近寺

舟中

秋日荆南述懷三十韻

江漢

遠遊

折檻行

秋日荆南送石首薛明府辭滿告別奉寄薛尚書頌

德敘懷三十韻

哭李尚書

重題

獨坐

哭李常侍嶧二首

宴王使君宅題二首

久客

歲寒堂讀杜卷之十八

嘉興 范輦雲 楞阿 輯

男 玉琨 校

元日示宗武

大歷三年夔州至江陵府作○原註山谷云子謫居黔州盡書子美兩川夔峽

諸詩以遺丹稜楊素翁傳刻之石使大雅之音久湮沒而復盈三巴之耳素翁又作高屋廣楹庇此石因請名焉予名之曰大雅堂仍爲作記其畧云由杜子美以來四百餘年斯文委地文章之士隨世所能傑出時輩未有升子美之堂者況家室之好耶余嘗欲隨偶然會意處箋以數語終以汨沒世俗初不假給雖然子美詩妙處乃在無意而意已至非廣之以國風雅頌深之以離騷九歌安能咀嚼其意味闐然入其門耶故使後生輩自求之則得之深矣使後之登大雅堂者能以余說而求之則思過半矣彼喜穿鑿者棄其大旨取其發興於所遇林泉人物草木魚蟲以爲物物皆有所託如世間商度隱語者則子美之

詩委地矣○今之讀杜
深求者多坐穿鑿之病

汝啼吾手戰吾笑汝身長處處逢正月迢迢滯遠方飄零

還柏酒衰病只藜牀訓諭青衿子謂宗武名慙白首郎賦詩

猶落筆方謂應手戰獻壽更稱觴不見江東弟高歌淚數行公自

註弟豐在江左無消息

啼手戰悲親年老手搖戰也笑身長哂子業不進也各有情事在○此首只言客邊時序情事下首乃懇切戒

之亦淺深虛實之法

又示宗武

覓句新知律攤書解滿牀試吟青玉案莫帶紫羅囊假日
從時飲明年共我長應須飽經術已似愛文章十五男兒

志

以下四句所以勗之

三千弟子行會參與游夏達者得升堂

杜陵一詩乃千古訓子良法○青玉案邵謂當知投報之事似無謂此只借與下句作對欲其伏案頭吟誦耳謝安石姪喜帶紫羅囊安石與之弈勝取囊焚之莫帶不欲其學奢華也從時飲跟上元日來元日正初學休暇時又時俗會飲節酒故亦從之○登樓賦聊假日以銷憂即今給假○曾參游夏正達者欲其以大賢為法早成學業以入聖門也

遠懷舍弟穎觀等

陽翟空知處荆南近得書積年仍遠別多難不安居

公自謂客

邊屢遷

江漢春風起冰霜昨夜除雲天猶錯莫花萼尚蕭疎

對酒都疑夢吟詩正憶渠舊時元日會鄉黨羨吾廬

公弟一在陽翟未有來人一在荆南新有書至首二句總見未得晤聚○錯莫錯雜寂寞也○末言昔日骨肉

會集之盛而歎
今之寥落也

太歲日

當時以太歲日爲慶故有闐闐衣冠等句○
原註按史大歷三年歲次戊申正月丙午朔

則初三日爲
太歲日也

楚岸行將老巫山坐復春病多猶是客謀拙竟何人

自問
自嘲

之語

闐闐開黃道

此憶太歲
日朝賀事

衣冠拜紫宸榮光懸日月賜予

出金銀愁寂鴛行斷參差虎穴鄰西江原下蜀北斗故臨

秦散地逾高枕生涯脫要津天邊梅柳樹相見幾回新

開黃道謂春回日行黃道日行有黃道黑道之分○
西江北斗言相隔之遠相見幾回恨不得歸故鄉也

喜聞盜賊蕃寇總退口號五首

五首雖以志喜中亦有
迎開亂之端諷好

異之失以寓諫處正非一味過諛是之謂詩○原註
按史大歷二年吐蕃入寇十月路嗣恭及吐蕃戰于

靈州
敗之

蕭關隴水入官軍青海黃河卷塞雲北極轉愁一作龍虎深

氣西戎休縱犬羊羣

轉愁者昔不愁而今愁也北極兵氣盛故吐蕃望之而愁○休縱不敢恣肆也

贊普多教使入秦數通和好止煙塵朝廷忽用哥舒將殺

伐虛悲公主親

此追言舊事言哥舒殺伐西戎以見和親之非○似有憾於哥舒生事開邊觀送高生言何用窮荒爲便知

崆峒西極過崑崙駟馬由來擁國門想舊爲通好貢獻逆氣數年

吹路斷蕃人聞道漸星奔

勃律天西采玉河堅昆碧盃最來多舊隨漢使千堆寶少

答胡王萬匹羅

此見明皇不宜貪玩好以開邊釁
○勃律國名堅昆亦北荒之國

今春喜氣滿乾坤南北東西拱至尊大[歷]三年調玉燭[元]

元皇帝聖雲孫

忽遡[元]元
褒中有諷

此因代宗諷明皇追宗老
子之非○大[歷]代宗年號

續得觀書迎就當陽居止正月中旬定出三峽

原註
鶴曰

當陽縣屬
江陵府

自汝到荆府書來數喚吾

是得書

頌椒添諷詠禁火卜歡娛

舟楫因人動

是正月
出峽

形骸用杖扶天旋夔子國

峽

春近岳

陽湖發日排南喜傷神散北吁飛鳴還接翅

預言當
陽居止

行序

密銜蘆俗薄江山好時危草木蘇

江山草木無情故不改

馮唐雖晚

達

更進一層

終覲在皇都

人日二首

元日到人日未有不陰時冰雪鶯難至春寒花較遲雲隨白水落風振紫山悲蓬鬢稀疏久無勞比素絲

未有不陰言幾年皆如此也中四句皆陰象白水紫山山水名在巴郡末言髮脫不止於白也要總憂國憂時爲之卽從上六句看出○杜詩中有詩體不同而前後照應者此二首是也只是是一眞字後人卽一體尙自矛盾況是雨體

此曰此時人共得一談一笑俗相看樽前柏葉休隨酒勝裏金花巧耐寒佩劍衝星聊暫拔匣琴流水自須彈早春

重引江湖興直道無憂行路難

此詩前四句起後四句又於各四句中自相起伏首二句承五言來次聯卽承首聯第三聯又喚起結聯也次聯正寫談笑相看三聯劍佩琴匣乃公之行色杜詩如此處最難解最要細看○此日此時卽頂前首起二句言時令之凶如此而人尙共得一談一笑柏葉金花正共得之狀俗相看謂世俗當此時尙以尋常相看不知愁也休隨公戒其勿然也巧耐見人情以此相競也下四句亦公欲去此他適拔劍壯行色也琴而曰自須彈見無知音也行路難以天時之凶卜之行路自難惟自守其正直可恃耳此詩總見天時告譴隨俗之衆人不覺守道之君子深憂也

江梅

梅蘂臘前破梅花年後多絕知春意早最奈客愁何雪樹原同色江風亦自波故園不可見巫峽鬱嵯峨

春早承梅藥客愁承梅花雪與梅色皆白爲同江風
言花落也亦自言花隨波流也末句是急欲出峽意

庭草

楚草經寒碧庭春入眼濃舊低收葉舉新掩捲芽重步履
宜輕過開筵得屢供看花隨節序不敢強爲容

第二聯言草之舊黃萎低垂者今則旣收之葉復舉低
垂者興起矣草之新經風雨掩於地者今則掩芽重發
偃地者又見其再生矣舊低新掩二字畧讀○末二句
謂草色青青猶堪閒玩至花開豔麗豈白髮老人所宜
對則不敢強較容飾矣蓋因花而自歎憔悴之意○朱
云末二句言庭草花開自隨節序獨我憔悴之身不敢
強爲容耳

將別巫峽贈南卿兄讓西果園四十畝

苔竹素所好萍蓬無定居

先言已客中
遷徙無定

遠遊長兒子幾地

別林廬雜藥紅相對他時錦不如二句言果園之勝具舟將出峽

巡圃念攜鋤正月喧鷺未此言將別巫峽茲辰放鵠初雪籬梅可

折風榭柳微舒二句言園中當下景託贈卿家有是贈園因歌野興疎

殘生逗江漢何處狎樵漁

鍾伯敬曰以果園贈人當自有一片愛惜珍重深情別趣非他物比此詩所以妙○胡孝轅曰八韻詩除梅柳一韻外並語對意不對極貫珠之妙予謂歐蘇四六皆然排律必如此法方流動變化此最可法○託字真有囑付愛重非其人不令其有之意○末二句言已相別適楚未敢定棲泊何處正不忍別去之意

送大理封主簿五郎親事不合却赴通州主簿前閬

州賢子余與主簿平章鄭氏女子垂欲納采鄭氏伯

父京書至女子已許他族親事遂停